



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliae Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

8. An stando in opinione, quod non sit de Fide hunc numero Innocentium
X. esse verum Pontificem. An inquam, eius Decreta circa res Fidei
haberent Infallibilitatem? Ex part. 11. tract. addit. 2. res. ...
-

[urn:nbn:de:hbz:466:1-76442](#)

348 Tract. V. De Infallibilitate Decret.

S. I. **A**d argumentum, quod neque ex Scriptura, neque ex traditione, neque ex definitione constare potest hunc esse legitimum Pontificem; ergo non est de fide eum esse tales.

2. Et ad illud, quod docet Banez *vbi sup.* non esse de fide hunc hominem esse baptizatum: non enim constat de voluntate baptizantis, neque est de fide cum esse legitimè Sacerdotem, quia non constat ex fide de voluntate conferentis, aut recipientis Ordines, ergo non potest constare ex fide eum esse Pontificem.

3. Respondetur negando antecedens; constat enim hunc esse legitimum Pontificem ex illis Scripturæ testimoniis, quibus solet Petri confirmari: promissus, quia illa est promissio vniuersalis, qua immedieat continentur omnes legitimi successores Petri, quos Deus signat vidit, & de illis loquitur est; & qui nobis noscendi erant per euidentiam moralē ex legitima illorum electione, & acceptatione pacifica. Quemadmodum quando Deus reuelauit omnem hominem conceptum iri in peccato originali, loquitus est Deus immediate de Petro, & Paulo, quos Deus clare cognovit, & à nobis erant cognoscendi per euidentiam physican ortam ex sensibus, & quemadmodum cognita Petro, & cognita vniuersali reuelatione de conceptione omnis hominis in peccato, video ex sola apprehensione terminorum Deum loqui de Petro, & Paulo; Ita vix promissione vniuersali Dei de omnibus successoribus Petri, & visa euidenter legitima electione, & approbatione Pontificis; video hunc esse legitimum successorem Petri, & de ipso loquutum esse Christum.

4. Respondetur secundò distingendo antecedens; si enim intelligatur de reuelatione, qua haec propositio, Innocentius X. est verus Pontifex illis terminis fuerit reuelata; verum est, sed consequentia non est bona: potest enim aliquid esse fidei, quod eti non sit in se, vel in suis terminis expressè reuelatum, habetur tamen, & cognoscitur ex reuelatione, sicut haec propositio: Petrus, Paulus, Ioannes, & alij singulares homines, qui modò via generatio-nis ordinaria nascuntur, concepti sunt in peccato originali, & sunt mortis necessitati obnoxii, fide certa est, quamvis non sit in illis terminis reuelata, ed quod sit reuelata in sua vniuersali, ex qua per inductionem quamdam deducitur nimis in hac, omnes in Adam peccauerunt; Item in illis; Per peccatum mors: quis est homo, qui, viuet, & non videbit mortem? statutum est hominibus semel mori.

5. Similiter autem est in proposito: nam prædicta propositio, de qua nunc disseritur, licet expressè reuelata non fuerit in suis terminis, est tamen reuelata in sua vniuersali, qua continetur, & ex qua per inductionem quadam deducitur, nimis in ista, omnes Petri successores in Romana Sede, sunt Vicarij Christi, & veri Pontifices Summi. Ex hac enim inductione quadam consequitur, & hunc, & illum singularem hominem, qui ab Ecclesia Catholica est electus, receptus, & assumptus in Summum Pontificem (eiusmodi hodie est Innocentius X.) verè esse Summum Pontificem.

6. Ad argumentum Banezij respondeo, licet illa propositio: hic homo, qui dicitur Innocentius X. est homo virilis sexus, vel est baptizatus, considerata secundum se, non sit certa, prout tamen substat diuinæ reuelationi absolute certa est; ita ut iuxta hanc considerationem nec possit, nec potuerit esse falsa, quæ responsio in B. Thoma fundatur, quatenus 2.2. qnaest. 1. artic. 3. ad 2. scribit, quod D̄um non incarnari secundum se consideratum fuit possibile, eriam post tempus Abraham, sed secundum quod cadit sub

præscientia Diuina, habet quamdam necessitatem infallibilitatis, vt in prima dictum est (scilicet 1. part. quæst. 14. artic. 13. & 15.) & hoc modo cadit sub fide: Vnde prout cadit sub fide non potest esse falsum. Loquimur namque de hac propositione: Innocentius X. est legitimus Pontifex, prout cadit sub diuinam præscientiam, & reuelationem: dicimusque quod sic spectata, sit ex fide certa. Vnde quod ipse sit sexus virilis, ac etiam quod riè baptizatus fuerit, omnino certi sumus, & quidem ex fide propter reuelationem, ex tua cognoscimus, quod ipse sit Summus Pontifex. Quia enim fide Catholica credimus eum, quem Ecclesia recipit, & habet pro Summo Pontifice (qui modò non alijs est, nisi Innocentius X.) esse verum Christi Vicarium, & legitimū Pontificem Summum, necessaria consecratione sequitur, quod sit masculus, quod baptizatus, quoque id omne habeat, sine quo pontificia dignitas nequit consistere. Prudentia enim Divina est, quæ nec vult nec potest Ecclesiam fallere, vt Christi Vicarius, quem suo gregi vult esse præpositum, nulla re careat, quam necessari exposit potestas, quam gerit, & munus, quod debet exequi.

7. Itaque dicendum est spectare ad specialem prudentiam Dei in Ecclesiam non permittere eligi, & admitti pacificè eum, qui non possit esse legitimate Pontifex. Quare ex euidenti cognitione legitimæ electionis, & acceptationis pacificas colligimus certi eum hominem nullo carere ex requisitis ad Pontificatum, eique Deum contulisse Pontificium Sancti Petri. Itaque ex applicatione per se nota deducimus actum fidei, quo credimus illi successori Petri collatan ipsius Petri potestatem quemadmodum ex euidenti cognitione Petri colligimus eius conceptionem in peccato. Quæ afferuntur de priuato Sacerdote non vrgent: quia non promisit Deus eam specialem prudentiam in hos casus priuatos, quia res est leuioris momenti, & quæ absque præjudicio fidei potest contingere, secūs autē electio Pseudo-Pontificis.

8. Ad id verò, quod dicitur, quod qui recederet à moderno Summo Pontifice, esset quidem schismaticus, & non hereticus; ergo non est de fide, quod ipse sit Summus Pontifex, quia recedere ab aliquo dogmate ad fidem pertinente est heresis, & non solum schisma.

9. Respondeo, quod licet schisma, & heresis differant ratione formalī, non est necesse, vt omnis schismaticus sit hereticus, ne quidem is, qui à Summō Pontificis obedientia recedit; si qui tamen recederet cum errore intellectus, que non crederet eum, quem Ecclesia pro Summo Pontifice recepit, ac retinet, esse Summum Pontificem, verè esset hereticus, posito quod supra dicta propositio certò, & manifestè pertineret ad fidem.

Et omnia superius dicta docent Hurtadus de Mendozā, Sylvius, Arriaga, & alij Doctores, *vbi supra*, pro nostra sententia adducti contra Banez, Caetanum, & alios.

Alia argumenta, quæ contra nostram sententiam adduci possunt, inuenies soluta penes citatos Authores, & ex superius adductis, patet etiam solutio ad argumenta in contrarium adducta à Caramuello *in sua ſe- uera disputandi methodo part. 2. fol. 59.*

RESOL. VIII.

An stando in opinionē, quod non sit de Fide hunc numerō Innocentium X. esse verum Pontificem, an inquam eius Decreta circa res Fidei, haberent Infallibilitatem? Ex part. 1. tract. addit. 2. Ref. etiam 8.

S. I. Respondeo,

Respondeo, quod stando etiam in opinione illorum Doctorum, assertum non esse de fide hunc Pontificem esse verè Pontificem, non ex hoc sequeretur de cœta ab ipso facta non esse infallibilis. Ita præter Bañez *vbi suprā*, tenet Malderus Episcopus Antuerpiensis; & olim professor publicus in Inlyta Academia Louaniensi in 2.2. D. *Thome quaest. 1. art. 10. disp. 5. in fine*, vbi sic ait: Ut enim sit fidei id, quod Papa determinat, non requiritur, ut sit fidei Divinæ, hunc qui determinat, esse verum Pontificem, sed sufficit hoc esse certissimum. Est autem certissimum eum, quem uniuersa Ecclesia pro Pontifice recepit esse verum Pontificem. Hoc enim ad prouidentiam Dei pertinet impedire, ne in eiusmodi iudicio fallatur Ecclesia. Frustrâ ergo noui homines blasphemii quidam Apostoli dubium mouent de legitima electione Pontificum huius ævi; quos sibi aduersos experti sunt. Ab Ecclesia Catholica recepti extra huius calumniaæ aleam sunt; sufficere autem, quod omnino certum sit, etiam si non fuerit fidicoprobo: Quia certitudo fidei pender ex veracitate Dei id dicentis, quod creditur; Papa autem non facit nouos articulos fidei, sed solum proponit, Deum aliquando hoc, aut illud dixisse. Dictum est *suprā* in illis, quæ concourtunt ad propositionem, & credibilitatem fidei, non esse exigendam certitudinem per omnia æqualem certitudini fidei, sed sufficere credibilitatem fieri evidentem per eiusmodi argumenta, quod fallere quidem non possint, non tamen fide Divina credantur. Hoc enim sufficit non solum ad infallibilitatem fidei, sed etiam obligationem; itavt non credens, heresos, aut infidelitatis peccatum incurrat. Ita Malde-

rus.

2. Hoc etiam docet Episcopus Aranjo Dominicus, & in celeberrima Academia Salmanticensi Theologæ Professor in 2.2. *Divi Thomæ quaest. 7. dub. 2. num. 4. vbi format contra se hoc argumentum*: Per fidem assentimur veritatis definitiæ à Summo Pontifice, in quantum ab illo sint definita, ergo: Si de eius potestate non haberemus certitudinem fidei, nec illam haberemus de veritatibus ab illo definitis: siquidem nequit esse maior certitudo de definito, quam de definiente, cum illa innitur huic.

3. Sed postea respondens ad hoc argumentum, sic ait: Ex eo quod fides, & certitudo Divina, quæ habetur de veritatibus definitis à Summo Pontifice, ut à capite Ecclesiæ non innitur illi, ut rationi formalis, & regulæ principali, nisi dumtraxat, ut instrumento, per quod prima veritas, quæ est regula principialis, & ratio formalis obiecti fidei, loquitur & reuelat, vel ut conditioni, & regula quad nos, sine qua Divina reuelatio de huiusmodi veritatibus definitis nobis non communicaretur, nec applicaretur: quemadmodum autem potest in naturalibus, & artificialibus effectus perfectione, & nobilitate excedere instrumentum, atque conditionem: Ita & in nostro casu potest certitudo veritatum definitarum excedere instrumentum, & conditionem quod certitudinem, quæ de ipsius habetur, qua ratione etiam in intellectuibus, in quo genere sunt assensus conclusionis scientificæ præstantior, est dispositione syllogistica in modo, & figura, à qua tamen per se, ut à conditione dependet. Igitur quamvis de veritate, & electione legitima capituli definitio, tantum habeatur certitudo theologica, optimè potest de rebus definitis haberi formalis certitudo Divinæ fidei: ac proinde ex hoc capite non conuincitur tandem, vel æqualem de veritate capituli in singulari, atque de veritate rei

Tom. IX.

ab ipso definitæ forte habendam certitudinem. Hucusque Araujo. Et vii scriptoribus Dominicanis Autatores Iesuitas adiungamus, hanc sententiam ex Belarmino docet Ouedo de fide contr. 4. pun. 7. num. 87. Ft. Joannes Poncii in cur. theol. disp. 2.8. q. 1. concl. 9. num. 13.

4. Itaque dicendum est, quod res proposita esset fidei diuina certa, esto proponens non sit diuina, sed humana dixat fide certus, constat prius exemplis; nam prius quod hoc sit legitimum Concilium à legitimo capite congregatum, sola fide humana constat, non enim nobis immediatè applicatur per ipsam Pontificis definitionem, sed id tantum habetur per testimonium Ecclesiæ, quæ illud accepit, ut legitimum Concilium, quod testimonium non excedit fidem humanam, & tamen fide diuina tenemur credere, quæ de orthodoxa fide hoc Concilium docet.

5. Secundò, quod hæc scriptura sit declarata ut canonica, nobis non constat immediatè testimonio Pontificis definitio, & declaratio, hanc esse canonica scripturam, sed solo testimonio hominum qui illam ut tales acceptant, cum tamen fide diuina teneamus credere, illam esse canonicaem, & quidquid in ea continetur à Deo reuelatum.

6. Tertiù tenemus fide diuina credere Christiana Religionis mysteria esse vera, & à Deo reuelata, cum tamen signa, quibus illa nobis proponuntur, ut evidenter credibilia, quod sint à Deo reuelata, non credamus fide Divinæ, sed humana. Ergo pari modo possumus fide diuina credere, quæ hic Pontifex nobis credenda proponit, esto eadem fide diuina non credamus ipsum esse verum Pontificem.

7. Cum igitur Pontifex solum se habeat ut proponens res fidei, ad hoc, ut res ab ipso proposita sint fide diuina credenda, necesse non est, ut ipse etiam fide Divina credatur, quod sit verus Pontifex, sed sufficit, si tantum credatur fide humana, quia nimirum cum iis signis Pontificia authoritatis rem credendam proponit, ut moraliter sit certum quod ipse sit verus Pontifex, iama tunc res proposita credenda est fide diuina, & tamen ipse credi potest fide tantum humana.

8. Nam possum fide diuina esse certus, quod hoc sit legitimum Concilium, quod hæc sit canonica scriptura, quod hæc sit Apostolica traditio, etiam si eadem fide diuina non sim certus quod proponens sit legitimus Pontifex, sed sufficit si tantum sim certus fide humana.

Et hæc doctrina est valde notanda, quia apud paucos autores inuenies.

R E S O L . I X.

An omnia contenta in Decretis Pontificum loquentia ex Cathreda habent infallibilitatem? Ex part. 11. tract. addit. 2. Resol. etiam 9.

Liber mihi respondere cum verbis Iacobi Granadi in 2.2. *Divi Thomæ contr. 1. tract. 7. disp. c. scilicet 1. num. 3. vbi docet duo consideranda esse in decreto Pontificis, etiam quando se gerit, ut caput Ecclesiæ. Unum est potissimum negotium quod definitur, seu res ipsa quam explicandam, & decernendam assumit: Alterum est ratio aut authoritas ad illius rei confirmationem obiter adducta, seu aliquid quod obiter ex propria sententia asseverat. Et quidem in hoc secundo non repugnat errare Pontificem, quia cum non sit id, de quo agitur, & quod contendit proponere Ecclesiæ, non est unde sufficienter probetur illi auctoritate Spiritum Sanctum, ne in eiusmodi*

G g negotiis